

ԶԱՆԳԵԶՈՒՐԻ ՎԱՂ ԷՆԱԳԻՏԱԿԱՆ ՀՈՒՇԱՐՁԱՆՆԵՐԸ

Ս. Ա. ՆՍԱՅԱՆ

Սյունյաց լեռնաշխարհի աշտ հատվածը հնագիտական տեսակետից վատ է ուսումնասիրված: Եթե շճաշվենք մի քանի հետախուզական պեղումները և պատահական գյուտերը, Զանգեզուրը տակավին սպիտակ շրջան է Հայաստանի հնագիտական քարտեզի վրա:

Վերջին տարիներին Զանգեզուրի և հարևան Վայոց ձորի լեռներում հայտնաբերվել են հազարավոր ժայռապատկերներ, որոնք վերաբերում են Հայաստանի նախնազարյան հասարակության պատմությանը, մշակույթին, մոգական և բնապաշտական պատկերացումներին, մ. թ. ա. V—I հազարամյակի արվեստին¹, 1966 թ. Սյունիքում հայտնաբերված ժայռապատկերները զբաղեցնում են մի քանի տասնյակ կիլոմետր Այդպիսիք կարելի է հանդիպել Սիսիանի, Ազիզբեկովի և Շղեզնաձորի շրջաններում՝ Մղուկ լեռան, Ուղտասարի փեշերից դեպի Վարդենիսի լեռնաշղթայի լանջերը ձգվող քարաշեղջերում: Սյունիքի միայն այս շրջաններում հայտնաբերվել են շուրջ 5000 նկարազարդ քարեր: Սյունյաց լեռնաշխարհի ժայռարվեստի խոշոր օջախներից է Սիսիանից 30 կմ հեռավորության և ծովի մակերևույթից 3300 մ բարձրության վրա գտնվող Ուղտասարը, ուր ավելի քան 2000 քարերի վրա պահպանվել են ժայռափոր պատկերներ: Դրանք հիմնականում գծային և ծավալային են: Անուղարտ վիճակում մեղ հասած ժայռապատկերներում ներկայացված են Հայաստանի հնագույն ժամանակների կենդանական աշխարհի բազմազան ներկայացուցիչները, նախնադարյան մարդու կյանքի դրվագները՝ որսի զանազան տեսարաններով: Նախնադարյան մարդը ժայռաբեկորների վրա պատկերներ դրոշմելիս հաճախ ստեղծել է որոշակի կոմպոզիցիոն հորինվածք, որը համապատասխանում է նրա դիտողական կարողությանը և աշխարհմբռնմանը: Նաև հանդիպում են պաշտամունքային արարողություններ, ծիսական և խումբական պարի տեսարաններ: Նախնադարյան մարդը ժայռերին փորել է իր տիեզերական պատկերացումների, արևի պաշտամունքի հետ լծորդվող, ինչպես նաև ոճավորված, դժվար մեկնելի պատկերներ, որոնք տակավին սպասում են իրենց մեկնությանը:

Շատ հետաքրքիր են նաև պեղումներից հայտնաբերված նյութերը, որոնք չնայած իրենց սակավությանը, հնարավորություն են տալիս պնդել, որ Զանգեզուրը իր արժանի տեղն է գրավել Հայկական լեռնաշխարհի մշակույթի զարգացման գործում: Դրա մասին են վկայում ՀՍՍՀ ԳԱ պատմության ինստիտուտի 1950—1951 թթ. արշավախմբի նյութերը՝ հայտնաբերված Սիսիանի շրջանից Մ. Հասրաթյանի ղեկավարությամբ²: Աշխատանքները հիմնականում կատարվել են Ախլաթյան, Անգեղակոթ գյուղերում և Սիսիանում:

1 Գ. Զ. Կարախանյան, Պ. Գ. Սաֆյան, Սյունիքի ժայռապատկերները, Նրևան, 1970:

2 Զհրատարակված այդ նյութերին ծանոթանալու հնարավորության համար մեր շնորհակալությունն ենք հայտնում Մ. Ս. Հասրաթյանին:

Ախլաթյանում գտնված նյութերից ուշագրավ է մ. թ. ա. III հազարամյակի վերջի և մ. թ. ա. II հազարամյակի առաջին կեսի խեցեղենը, որը Ձանգեղուրում առաջին անգամ է հանդիպում: Պեղումները կատարվել են Ալրի գետակի ձախ ավիին դտնվող Զաղացի գլուխ կոչվող բլրի վրա, որի կեսից ավելին կործտնվել է 1915 և 1931 թթ. երկրաշարժերի ժամանակ: Բլրի պահպանված մասում, մակերեսի վրա և կտրվածքներում հայտնաբերվել է հիանալի փայլեցված, մ. թ. ա. III հազարամյակի վերջով թվագրվող մեծ քանակությամբ սև դույնի խեցեղեն: Նույն տեղից գտնվել են մ. թ. ա. II հազարամյակի առաջին կեսի միագույն և րազմադույն զարդերով, ալիքաձև գծերով, բազմաշարք ոլորաույաույաններով անոթների բեկորներ: Այս խեցեղենն իր զուգահեռներն ունի Նախիջևանի Կարմիր վանքում, Կարմիր-բերդում (Թաղաքենդ) և ժամանակի այլ հուշարձաններում: Այստեղ գտնվել է նաև գծիկներով զարդարված խեցեղենի և սև խեցեղենի բեկորներ, որոնք զարդարված են կարճ գծիկներով, որույսիք հայտնի են Ուզբերիկ Թեփերի պեղումներից: Նույն բլրի վրա պահպանվել են մի քանի դոլմենաձև դամբարաններ: Այդպիսիք բացվել են նաև մի քանի տասնյակ մետր հեռավորության վրա գտնվող մի այլ բլրի վրա: Այդ բլուրներում պեղված դամբարանները ունեն մոտ 5 մ երկարություն, մոտ 2 մ լայնություն և 1,5 մ խորություն, ծածկված են մեկ կամ մի քանի սալերով: Պեղված դամբարաններից ամենահետաքրքիրը N° 1 էր, որտեղ թաղվել է մի ընտանիք, որի մի քանի անդամները եղել են բրոնզագործ վարպետներ: Դիակների հետ թաղվել են քարե սանդեր, հալոցներ և ձուլման կաղապարներ, որոնց վրա սրահպանվել են մետաղի հետքեր: Բացի դրանից՝ դամբարանում գտնվել են բրոնզե ունելի, երկաթե նիզակ, բրոնզե ճարմանդներ, տարբեր տեսակի ուլունքներ: Մյուս դամբարաններում գտնվել են տարբեր տեսակի ատամնավոր և հարթ ապարանջաններ, ակնոցաձև և տանձաձև կախիչներ, երկաթե դանակներ և նիզակներ: Հայտնաբերվել են նաև խեցեղեն իրեր, որոնցից ուշագրավ են Դավիթ-Բեկում գտնված անոթների նման կանթեր ունեցող սկահակները և ձիու գլխի ձև ունեցող անոթի բռնակը: Նշված նյութերը թվագրվում են մ. թ. ա. I հազարամյակի սկզբով և կեսով: Ուշագրավ նյութեր են հայտնաբերվել Անգեղակոթ գյուղից Շաքի և Բաղարշայ տանող ճանապարհի եզրին գտնվող դոլմենաձև դամբարաններում և դամբանաբուրներում, որոնց մի մասը ավերվել է ճանապարհաշինության ժամանակ: Տեղացիները գտել են տարբեր դոտիների բեկորներ, բրոնզե դաշույններ և ուլունքներ: Պեղումները ցույց տվեցին, որ դամբարանների մի մասը կառուցումից հետո միջանկյալ պատով բաժանվել է երկու մասի, կրկնակի թաղում կատարելու համար: Գտնված նյութերի մեջ կան բրոնզե և երկաթե դաշույններ, երկաթե նիզակներ, դանակներ, նետասլաքներ, նեղ թիթեղից պատրաստված գոտիներ, բրոնզե դուր. կավե և քարե իլիկի դուխներ և այլ նյութեր: Հետաքրքիր են նաև գտնված զարդերը՝ սերդուլիկից և ապակու շաղախից պատրաստված ուլունքներ, տարբեր կախիկներ, որոնց մեջ առավել ուշագրավ է սակրաձև կախիկը, որը շափաղանց հազվագեպ է Անդրկովկասի հուշարձաններում, ինչպես նաև տարբեր ապարանջաններ, ուլունքներ և այլ նյութեր: Այդ նյութերը թվագրվում են մ. թ. ա. II հազարամյակի վերջով I հազարամյակի կեսերով: Նման մենհիրատիպ և դոլմենատիպ դամբարաններ հայտնի են նաև Ղոշուն-Դաշում, ուր գտնվում է առ այսօր չուսումնասիրված նույն ժամանակաշրջանի հիանալի պահպանված բնակատեղին:

Վերջին վայրը, ուր կատարվել են հիմնական պեղումները, Սիսիան-Աղուդի տանող ճանապարհի մոտ, Սյունիք ամրոցից ոչ հեռու գտնվող դամբարանադաշտն է։ Այստեղ բացի հին դամբարաններից կան նաև միջնադարյան գերեզմաններ, որոնցից մեկում գտնվեցին տարրեր հասակի և սեռի 36 մարդկանց կմախքներ՝ քարե բարձերով։ Սյունիքի դամբարանադաշտի այս և այլ դամբարաններում գտնվել են բրոնզե տարբեր նետասլաքներ, Սևան-դարաբաղյան տիպի երկու բրոնզե դաշույններ, բրոնզե նիզակներ, ապարանջաններ, ձարմանդներ, ուլունքներ, ոսկրե կախիկներ և այլ նյութեր, ինչպես նաև տարբեր կավանոթներ, որոնց բռնակների մի մասը թուլունների գլխի ձև ունի։ Հատկապես հետաքրքիր է փափուկ կոշիկ հագած մարդու ոտքի ձև ունեցող կավե կախիկը, որը նմանվում է Զարխեզում գտնված բրոնզե շերտի կանթերին։

Այստեղ գտնված, ինչպես և մյուս դամբարանադաշտերի նյութերը, թվագրվում են մ. թ. ա. II հազարամյակի վերջով և I հազարամյակի կեսերով։

Զանգեզուրի նյութական մշակույթը ուսումնասիրելու համար մեծ նշանակություն ունեն 1952 թ. պատահականորեն ի հայտ եկած Սիսիանի շրջանի Տոլորս գյուղի գամբարանաբլուրի նյութերը, որոնք հրատարակվել են Հ. Մնացականյանի կողմից³։ Դամբարանաբլուրը 5,4 × 2,6 մ² չափսի քարերով պատված գերեզմանափոս է, ուր կան հինգ մարդու կմախք և ուխարի, խոզի ու խոշոր եղջերավոր կենդանիների ոսկորներ։ Դամբարանաբլուրը հիշեցնում է Ղարաբաղի, Լճաշենի, Կիրովականի և այլ հայտնի ցեղապետների դամբարանները։ Այս տեսակետից անշուշտ է Հ. Մնացականյանի այն կարծիքը, որ Տոլորսի գամբարանաբլուրը անկասկած պատկանել է տեղական ցեղային առաջնորդներից մեկին։

Դամբարանում հայտնաբերվել են ծակոտկեն գլխիկներով երկու բրոնզե դաշույն և ծայրերը դեպի վեր ծոված երեք դանակ։ Գտնվել են նաև նշված ժամանակում լայնորեն տարածված տերևաձև սյուղակավոր ինը նետասլաքներ։ Դամբարաններից հայտնի են մեծ քանակությամբ զարդեր, որոնց թվում՝ ցուլի գլխակերպ բրոնզե գավազանը (նկ. 1), եղջերուի բրոնզե սրձանը (նկ. 2) և բազմաթիվ բրոնզե և ոսկե կախիկներ, ուլունքներ և այլն։

Տոլորսի հավաքածուն սերտ առնչվում է Ղարաբաղի, Սևանի ավազանի, Վարդենիսի ժամանակակից այլ հուշարձանների նյութերի հետ։

Այսպես, չափազանց հետաքրքիր է եղջերուի արձանը, որն իր նմանները ունի Լճաշենում և Արթիկում։ Այն ունի պաշտամունքային նշանակություն, այդ մասին են վկայում վզի օղակները։ Պաշտամունքային նշանակություն ունի նաև նշված գավազանի գլուխը, այդպիսիք կան Առաջաձորում, Գեղաբեկում և Ղալաքենգում։

Գտնված ոսկե զարդերը զուգահեռներ ունեն Լճաշենի գամբարաններից գտնված նմանօրինակ նյութերի մեջ։ Զանգեզուրի նյութական մշակույթի և Հայաստանի այլ վայրերի հուշարձանների կապի մասին է վկայում նաև բրոնզե կեռիկը, որը հայտնի է Ղարաբաղից, Կիրովականից, Արթիկից, Թարխայից և այլ վայրերից⁴։ Այդ տեսակետից հետաքրքիր է նաև խեցեղենը, որն իր զու-

³ А. О. Мнацаканян, Новые находки предметов бронзового века в селении Толорс (в Зангезуре) Армянской ССР. Краткие сообщения Института истории материальной культуры вып. LIV, 1954.

⁴ Բ. Լալայան, Դամբարանների պեղումները Խորհրդային Հայաստանում, Երևան, 1931, էջ 105; Т. С. Хачатрян, Комплекс бронзовых изделий из селения Вардакар (ЗВУЗ ? А «Տեղեկագիր», 1961, № 3, նկ. 6)։

դահլոններն ունի Սանահինի, Սևանի, Կիրովականի, Դիլիջանի և այլ վայրերի նյութերի մեջ:

Բազմաթիվ նյութեր են գտնվել (1961 թ.) Սիսիանի շրջանի լծեն գյուղում պառակտված կիսավեր դամբարանից և այժմ պահվում են Գորիսի զավառագիտական թանգարանում:

Լծենի դամբարանից հայտնաբերվել է սև փայլեցված կավե ձտքավոր կոշիկ, որի վերին մասում կան կլոր բռնակներ: Նման կոշիկները լավ հայտնի են և գտնվել են Կարմիր վանքում, Լճաշենում, Կարմիր-բլուրում, Մինգեչաուրում, Դավիթ-Քևկում: Մենք 1969 թ. նման «կոշիկի» բեկոր ենք գտել Իջևանի շրջանի Աշաշուր գյուղի մոտ՝ Թմբատի ամրոցի պեղումների ժամանակ: Հայտնաբերվել են նաև սև փայլեցրած տարբեր անոթներ և լայնացող հատակով մեկ մեծ գավաթ:

Խնկաղեն իրերից բացի լծենում գտնվել են մետաղե իրեր՝ եղջերուների ձուլածո արձանիկներ, բրոնզե տափակ կացին, ձիու ճարմանդներ, կոճակներ և այլն:

Լծենից և Տոլուսից գտնված նյութերը լավ համադրվում են Ղարաբաղի, Թևյշևադինի նախաուրարտական շերտի, Կիրովականի և մ. թ. ա. II հազարամյակի այլ հուշարձանների նյութերի հետ:

Շինուհայր տանող ճանապարհի շինարարության ժամանակ բացվեցին դամբարանների և բնակատեղիների հետքեր: Գտնված նյութերը, ցավոք, ոչնչացվել էին, բացի մի փոքրիկ քարե անիվից, որը հանձնվել էր Գորիսի գավառագիտական թանգարանին: Դիտումների ժամանակ գտնվեցին՝ կարմիր կրաքարե սանդ (նկ. 3), բազալտե սանդակոթ, եռանկյունաձև քարե կամ (նկ. 4) հարթ աշխատանքային մասով: Կամի առջևի նեղ մասում կա ակոսիկ՝ պայանն ամրացնելու համար: Քարե կամը միակ լավ թվագրվող իրն է: Իր ձևով այն նման է Լճաշենի դամբարանաբլուրների լիցքում գտնված քարե կամերին, որոնք թվագրվում են մ. թ. ա. XIV—XIII դդ.: Միօրինակ քարե կամերի հայտնադործումը Սևանի և Ձանգեղորի լեռներում, որոնց հետ գտնվել են նաև այլ երկրագործական առարկաներ, ցույց է տալիս, որ Հայաստանում մինչև փայտե կամերի առաջանալը օգտագործվել են քարե կամեր, որոնք թվագրվում են մ. թ. ա. II հազարամյակի կեսերով:

Ձանգեղորում գտնված նյութերից ուշագրավ է հնագույն քարե կուռքը, որը հայտնաբերվել է Ցալջիում և պահպանվում է Գորիսի թանգարանում: Կուռքն ունի 76 սմ բարձրություն և կոտրված է վզի ներքևի մասից, երեք դեմքերի մակերեսների վրա կան վնասվածքներ, հինգ դեմքերի քթերը՝ ջարդված, բոլոր գլուխների վերևի մասը՝ կտրված: Կլոր անցքերով ընդգծված են աչքերը, իսկ բերանը կլոր գծիկով: Մեկ դեմքանի նման կուռք հայտնի է Մեծամորում: Ըստ Լ. Ա. Բարսեղյանի այդ կուռքերը թվագրվում են մ. թ. ա. XIII—XII դդ., իսկ ըստ Հ. Ա. Մարտիրոսյանի՝ մ. թ. ա. XIII—VIII դդ.: Պետք է նշել, որ

5 А. А. Мартиросян, Армения в эпоху бронзы и раннего железа, Ер., 1964 стр. 151.

6 С. А. Есаян, А. А. Шагинян, Археологические находки в Зангезуре («Советская Археология», 1962, № 3, стр. 199).

7 Լ. Բարսեղյան, Ուշ բրոնզի մի քանի նորահայտ պաշտամունքային հուշարձաններ («Պատմա-բանասիրական հանդես», 1962, № 2, էջ 258), А. А. Мартиросян, Армения в эпоху бронзы... стр. 180.

նույն գյուղում 1964 թ. հայտնաբերվել է մի այլ քարե արձան. դա ոչ այնքան կատարյալ բավական խոշոր տղամարդու գլուխ է: Դեմքը հարթ է, խոշոր, ուղիղ թթով, բերանը՝ խոր, ուղիղ ձեղքով: Պարզ երևում են հոնքերը և կլոր փոսիկներով արված աչքերը, մազերի լայն շերտով դեպի հետ տարված սանրվածքը: Գլուխը ընդհանուր տեսքով բավական արտահայտիչ է և կարծես ինչ-որ իշխանավորի քանդակ լինի: Այն հրատարակել է Բ. Ն. Առաքելյանը՝ թվագրելով մ. թ. II—III դդ.⁸: Ենթադրելի է, որ այն ավելի վաղ շրջանի պետք է լինի:

Բացի նշված նյութերից Գորիսում շինարարական և հողային աշխատանքների ժամանակ գտնվել են ոչ մեծ թվով դաշույններ, նիզակներ, դանակներ, տարբեր զարդեր և խեցեղեն անոթներ, որոնք հիմնականում վերաբերում են մ. թ. ա. I հազարամյակի սկզբին:

Վերջին տարիներին մի շարք նոր հուշարձաններ են հայտնաբերվել Ղափանի շրջանում: Դավիթ-Քեկ ավանի մոտ 1959 թ. ջրատար անցկացնելիս բացվեցին երկու քարարկղային դամբարաններ, որոնք ուսումնասիրվել են մեր և Ա. Շահինյանի կողմից: Առանձնապես հետաքրքիր են խեցեղեն առարկաները, որոնք պահվում են Հայաստանի Պետական պատմական թանգարանում⁹. Գտնվել են ատամնավոր բռնակներով փոքրիկ գավաթներ, որոնք նախկինում հայտնի էին Ե. Հալալյանի պեղումներից՝ Ն. Բայազետում և Հումելի պեղումներից՝ Ղուշխում, Գտնվել են նաև ոլորված կանթերով մի քանի սափորներ և սկահակներ (նկ. 5), նման մ. թ. ա. I հազարամյակի սկզբով թվագրվող Աստղի-բլրի դամբարանադաշտի նույնատիպ անոթներին: Հայտնաբերվել են նաև տարբեր քրեղաններ, որոնք իրենց համեմատականներն ունեն մ. թ. ա. I հազարամյակի սկզբի հուշարձաններում՝ Լենինականում, Կարմիր-բերդում, Դիլիջանում և այլուր: Չափազանց հետաքրքիր է կլոր անցքի միջոցով իրար միացած երկու «ձտքավոր կոշիկների» ձև ունեցող անոթը (նկ. 6), Դավիթ-Քեկում գտնված կոշիկների զուգահեռներն են Հասանլուում (Իրան) գտնվածները, որոնք նույնպես զույգ են և ուղեկցվում են նույնօրինակ սկահակով¹⁰:

1960 թ. Քաջարանում տեղի բնակիչ Ա. Աբրահամյանը գտել է չորս կավակերտ կոշիկներ, որոնք ունեն փափուկ կոշիկի ձև և փողածալ լայնացող ձտքեր¹¹:

Քաջարանից գտնված կոշկաձև անոթների ժամանակը որոշելիս կարևոր են դրանց ուղեկցող փոքրիկ, երկիրան սափորիկները, որպիսիք հայտնի են Թարիալի դամբարանից, Կարմիր-բլուրի նախաուրարտական շերտից, Դվինից, Աշտարակից և այլ վայրերից, որոնք թվագրվում են մ. թ. ա. II հազարամյակի վերջով և I հազարամյակի սկզբով:

Այդպիսով՝ Քաջարանից և Դավիթ-Քեկից գտնված իրերը կարելի է թվագրել մ. թ. ա. I հազարամյակի սկզբով:

«Կոշկաձև» անոթների մասին գիտություն մեջ կան տարրեր կարծիքների Ուսումնասիրողների մի խումբ (Հ. Ի. Մաքսիմովա, Ա. Ա. Իեսեն և այլք) զրտնում են, որ դրանք օգտագործվել են պաշտամունքային արարողությունների ժամանակ: Պատուերը գտնում է, որ դրանք օգտագործվել են կենցաղում և

⁸ Բ. Ն. Առաքելյան, Քանդակագործությունը հին Հայաստանում («Պատմա-բանասիրական հանդես», 1969, № 1, էջ 60):

⁹ Ս. Ա. Եսայան, Ա. Ն. Շահինյան, նշվ. աշխ., էջ 202:

¹⁰ L. V. Berge, Archeologie de l'Iran ancien, Leiden 1959, т. 1, 146.

¹¹ Հ. Ա. Մարտիրոսյան, նշվ. աշխ., էջ 149:

որ դրանց ձևը պատահական է: Գ. Ի. Իոնեն գտնում է, որ դրանք օգտագործվել են թաղման ժեսների ժամանակ¹²:

Ավելի հավանական է Ս. Ի. Մաքսիմովայի և Ա. Իսսենի կարծիքը: Իբրև լրացուցիչ փաստ կարելի է ասել, որ Կարմիր-բուրի «կոշիկները» գտնվել են ամրացի պահեստներից մեկում, իսկ Բժբատիրում՝ պաշտամունքային օջախի մոտ: Պարզ է, որ այդ կոշիկները ինչպես և տարբեր սիմվոլիկ նշաններով դարդարված աղորիքները, խնոցիները, շերտիկները, որոնք գտնվել են Հայաստանի տարբեր վայրերում, նույնպես օգտագործվել են այս կամ այն նպատակով:

Խոսելով պաշտամունքային առարկաների մասին, հարկ է անդրադառնալ նաև Զանդեղուրում գտնված մի քանի այլ առարկաների: Դրանցից մեկը սևալաձև անցքերով զարդարված բրոնզե քառակող հենակ է, որի կենտրոնից բարձրանում է զլխիկով պտուտակաձև ձող: Հենակի շրջա կողմերից բարձրանալով, զեղևիկ, կոր վզերով դեպի դուրս են թեքվում ձիերի գլուխներ¹³, որոնք ձուլված են մոմե կաղապարի օգնությամբ և պարզ երևում են զլխի մանրամասները՝ ականջները, աչքերը, բերանը: Զուլող վարպետին հաջողվել է սուղծել ձիերի հոյակապ քանդակներ, որոնք վկայում են նրա բարձր վարպետության մասին: Նշված արձանիկը գտնվել է պատահաբար, հողային աշխատանքների ժամանակ, առանց այլ նյութերի, մի բան, որը դժվարացնում է դրա թվագրությունը: Ըստ երևույթին, այն ուշ բրոնզից վաղ երկաթին անցնելու ժամանակաշրջանի է: Այդ մասին են խոսում նրա պատկերագրական առանձնահատկությունները, ինչպես և սեպաձև անցքերի առկայությունը, որոնք բնորոշ են նշված ժամանակների նախազարդմանը:

Հազվագյուտ գյուտերի թվին է պատկանում 1951 թ. Ղափանի շրջանի Սյնակ գյուղում հողային աշխատանքների ժամանակ գտնված առյուծի բրոնզե մասսիվ արձանը, որը պահվում է Գորիսի զավառագիտական թանգարանում: Այն նստած առյուծ է (երկարությունը՝ 20, բարձրությունը՝ 13 սմ) առջևի ձգված և ետևի ծաված թաթերով: Քանդակագործը ստեղծել է զայրացած, բայց, դեռ հանգիստ նստած գիշատիչի պատկեր, որը նկատելի է ջղային շարժումով, մեջքի վրա գցած պոչով: Ամբողջ քանդակը հզորության և ուժի մարմնավորում է¹⁴, նման, միայն չափերով ավելի փոքր, նստած առյուծի արձան գտել է Բառնեյը 1964 թ., Մուշից ոչ հեռու, Կավալդերե ամրոցում¹⁵: Սղնակի և Մուշի արձանները սերտորեն կապվում են ուրարտական բարձրարվեստ քանդակագործության հետ և թվագրվում են Վանի թագավորության վերջին ժամանակով՝ մ. թ. ա. VII—VI դդ.: Զանդեղուրի ուշ ժամանակաշրջանի հուշարձաններից աչքի են ընկնում Ղափանի շրջանի Արծվանիկ գյուղի մոտ գտնված մարդկանց արձանիկները, որոնք կապվում են Հայաստանում լայն տարածում գտած ֆալլուսային քանդակագործության հետ, իրենց տեսքով փոքր ինչ տարբերվում են մյուսներից և կազմում մի առանձին խումբ¹⁶: Դրանց

¹² Г. И. Ионе, Глиняные сосуды сапожки из Мингечаура. Материальная культура Азербайджана, вып. III, Баку, 1953, стр. 37.

¹³ Հ. Ռ. Իսրայելյան, Հայաստանի բրոնզե գտիկների որսորդական տեսարանները («Պատմա-քանասիրական հանդես», 1966, № 2, աղ. 2, նկ. 1):

¹⁴ Ս. Ա. Եսայան, Ա. Ն. Շահինյան, նշվ. աշխ., նկ. 4:

¹⁵ C. A. Burney, A first Season of excavations at the urartian citadel of Kaval-dare, Anatolian Studies, vol XVI, 1965, նկ. 98:

¹⁶ А. Н. Захаров, Кавказ, Малая Азия и эгейский мир. Труды секции археологии и искусствоведения, вып. II, РАНИОН, М., 1928, стр. 34.

մի մասը (4 արձան) գոտկատեղում ունի սուր ձողիկներ, որոնք նման են Սարիղամիշում գտնվածներին¹⁷։ Գոտկատեղի ձողիկների առկայությունը հնարավորություն է տալիս ենթադրել, որ նրանք ամրացվել են ուղղահայաց հարթությանը։ Արձանների մյուս մասը (3 օրինակ) շունի ձողիկներ և կանգնած է փոքրիկ հենակների վրա¹⁸։ Բոլոր արձանները փոքր են (7—9 սմ բարձրությամբ), դեմքերը՝ ոճավորված տափակ, քիթը և ծնոտը խիստ՝ դուրս ցցված, աչքերը՝ ուռուցիկ, բերանը՝ կարճ գծիկ։ Արձանների մարմինները կլոր են, խիստ կամ ընթացիկ ընդգծված ֆալերով։ Բոլոր արձանիկների աչքերը ծավլած են դեպի վեր, մի բան, որ Զախարովին հնարավորություն է տվել ենթադրել, որ դրանք կրել են ինչ-որ զենք։ Նրանք ձախ ձեռքերում կրում են կլոր և կոնաձև վահաններ։ Արձանների գլխներին կան սաղավարտներ. որոնք իրենց տեսքով բաժանվում են չորս տեսակի։ Երկու արձանիկների գլխին կան կոնաձև փոքրիկ կատարներով սաղավարտներ. որոնք հեռավոր նմանություն ունեն լճաշենում հայտնաբերված սաղավարտների հետ։ Երրորդ արձանիկը կրում է կոնաձև սաղավարտ՝ նման ուրարտական և ասորական սաղավարտներին։ Չորրորդի գլխին նույնպես կոնաձև սաղավարտ կա, որը ավարտվում է բարձր ձողով։ Վերջին երեք արձանիկները կրում են սաղավարտներ, որոնք զարդարված են վեր բարձրացող մանգաղաձև երկու եղջյուրներով, որոնց միջով անցնում է փոքրիկ կատարաձև ելուստ։

Բոլոր արձանիկներն իրենց չափերով, պատրաստման եղանակով, վահանների և սաղավարտների ձևերով բավական ուշ ժամանակի են և պետք է թվագրվեն մ. թ. ա. I հազարամյակի կեսերով։ Հետաքրքիր է նշել, որ 1971 թ. Արծվանիկում գտնվել են մի փոքր ավելի վաղ շրջանի նյութեր¹⁹ (տեղի բնակիչ Գ. Գրիգորյանի հողային աշխատանքների ժամանակ)։ մի քանի կավե անոթներ, սափորներ, մեծ, կլոր բռնակ ունեցող քրեղան, ուռուցիկ ելուստով, կլոր իրանով քրեղան։ Գտնվել են նաև բրոնզե զրահաշապիկի երկու կոճակներ՝ զարդարված կարճ գծիկներով, (նմանվում են Ղրղիում գտնվածներին) տարբեր ապարանջաններ, օղբ և սերղոլիկե ուլունքներ։ Այս իրերի մեջ հետաքրքիր է խոշոր բրոնզե թիթեղից պատրաստված ճակատակալը, որի ծայրերը ոլորված են կապելու համար։ Ճակատակալը զարդարված է եզրերով անցնող կարճ, թեք գծիկներով։ Նման ճակատակալներ Հայաստանում հայտնի են Ղափանից, Լճաշենից, Ջուլաբարից, Աստղաձորից, Նորագուղից և այլ վայրերից, թվագրվում են մ. թ. ա. II հազարամյակի վերջով և I հազարամյակի սկզբով։ Արծվանիկի ճակատակալը թվագրվում է մ. թ. ա. IX—VIII դդ.։

Ղափանի Թեղուտ թաղամասի շինարարական աշխատանքների ժամանակ բացված քարակղզե դամբարաններից մի քանիսը 1968 թ. պեղվեցին Գ. Գրիգորյանի կողմից։ Հայտնաբերվեցին տարբեր պաշտամունքային կարմիր, սև և դեղին գույնի անոթներ՝ զարդարված տարբեր զծանախշերով և ձևերի ու օժերի պատկերներով։ Անոթների բռնակները զարդարված են ցուլերի և խոյների գլուխ-

17 С. В. Бессонов, Бронзовые статуэтки из Сарикамыш, Изв. Института наук и искусств ССР Армении, Ереван, 1930, № 4, стр. 57—74.

18 Ա. Ն. Զախարովը հիշատակում է վեց արձանիկ, իսկ Գ. Գոյանը՝ յոթ, տե՛ս Ա. Ն. Զախարով, նշվ. աշխ., էջ 31—33 և Դ. Դոյա, Театр древней Армении, М., 1952, Т. I, рнс. 35. Խ. Սամսոևը ալ, Հին Հայաստանի կուլտուրան, հ. II, կր., 1911, էջ 108.

19 Նյութերը պահվում են Հայաստանի պետական պատմության թանգարանում, դույր № 2478:

ներսով: Դտնվել են նաև տարբեր մեկ և երկկանթանի, ինչպես և բաժակաձև ոսփորներ, տարրեր վարդեր, օձագլուխ և ատամնավոր ապարանջաններ, ուլտերներ և այլն: Դտնված իրերի այս խումբը, ըստ Գ. Գրիգորյանի, թվադրվում է մ. թ. ա. VII—V դդ.: Նույն ժամանակով են թվագրվում նաև Շիկահող գյուղի մոտ գտնված նյութերը, որտեղ Գ. Գրիգորյանի կողմից հայտնաբերվել են տարբեր իւնցեղեն անոթներ, երկաթե կացիներ, դաշույններ և տարրեր վարդեր²⁰:

Նույն 1968 թ. Լափան-Գեղանուշ ճանապարհի շինարարության ժամանակ ճանապարհաշինարար Լ. Մովսիսյանը բացել է քարարկղային դամբարան, որը ծածկված է Լղել մոտ 1,5 մ հաստության հողաշերտով: Դամբարանում հայտնաբերվել են մարդկային Լրկու կմախք (մեծը տղամարդու, փոքրը՝ կնոջ): Տղամարդու կմախքի կրծքին հայտնաբերվել է մեկ բրոնզե դաշույն, իսկ կողքին՝ բաղամթիվ կավանոթներ: Հնագետ Ռ. Թորոսյանին հաջողվեց հավաքել գտնված նյութերը և պեղել ևս մեկ դամբարան²¹, որտեղ բացվել է համայնքի շարքային բնակիչ՝ սակավաթիվ կավանոթներով ուղեկցվող թաղում (նկ. 7): Առաջին հարուստ դամբարանը Ռ. Թորոսյանի ենթադրությամբ պատկանելիս է Լղել քրմապետին և նրա հետ թաղված կնոջը:

Այստեղ գտնված կավանոթները հիմնականում պաշտամունքային բնույթի են: Իրերի մեջ աչքի է ընկնում ցուլակերպ անոթը, որի նմանները կան Լեռնային Ղարաբաղում, Նախիջևանում, Մինգեչաուրում և ռուսական ու պարսկական Թալիշներում²², Հետաքրքիր են երկու և երեք վզով սափորները, երկար ծորակով անոթները և ճրագաձև պաշտամունքային անոթները: Դրանք զարդարված են տարբեր երկրաչափական նախշերով: Մի քանիսի վրա պահպանվել են պաշտամունքային նշաններ: Այսպես՝ մեկ սափորի վրա կան երեք տիկնորական հորիզոնների նշաններ, որոնք պատկերում են երկինքը, երկիրը և ջուրը, մյուսի վրա կան երեք խաչեր, որոնք կապվում են պտղաբերության տալանների հետ: Այս յուրահատուկ և հարուստ նյութերը վերաբերում են տեղական մշակույթին և թվագրվում են մ. թ. ա. VII—VI դդ.:

1970—1971 թթ. Օ. Խնկիկյանը Ղափանի Շիկահող և Բաղաբուրջ գյուղերում հայտնաբերել է տարբեր ժամանակաշրջանի խեցեղեն, ճակատակալներ, դաշույններ, նիզակներ ու ապարանջաններ, որոնք վերաբերում են մ. թ. ա. XII—XI դդ.: Կան նաև Դավիթ-Քեկի հնավայրում հայտնաբերվածի տիպի խեցեղենի բեկոր, ապարանջաններ, ճարմանդներ, մ. թ. ա. VI—V դդ. տարբեր խեցեղեն և ապարանջաններ: Օ. Խնկիկյանը պեղումներ է կատարել նաև Քաջարանի մոտ և գտել բրոնզե սակր՝ նման Շիկահողից հայտնաբերվածին: Շիկահողից հայտնաբերվել էին նաև խեցեղեն անոթներ և սկաստիկայով զարդարված բրոնզե ճակատակալ: Այդ նյութերը թվագրվում են մ. թ. ա. III հազարամյակի վերջերս և I հազարամյակի սկզբով:

Ավելի ուշ շրջանի նյութեր հայտնի դարձան Սիսիանում 1970 թ. նոյեմբերին Զոհաբերություն կոչվող բլրի ստորոտին պատահականորեն բացված հարուստ դամբարանից: Բ. Առաքելյանը, Ժ. Խաչատրյանը և Թ. Խաչատրյանը

²⁰ Թեղուտում և Շիկահողում գտնված նյութերը ընեն հրատարակված և պահվում են Ղափանի զավառագիտական թանգարանում:

²¹ Նյութերը պահվում են Հայաստանի պետական պատմական թանգարանում (տե՛ս «Առվետական Հայաստան», 4. II. 1969):

²² J. De Morgan, Mission scientifique au Caucase, t. I, Paris, 1889, էջ 121.

այստեղ հայտնաբերել են մի շարք այլ նյութեր²³։ Դամբարանում գտնվել են բրոնզե շքեղ պատղարակի մասեր, ոչ մեծ թվով խեցեղեն, արծաթե թասեր, ոսկե դարձեր, արծիվների պատկերներով զարդարված արծաթե մեղալիոններ, կանաչի գլուխ, ալմազանի ոսկրե գլխիկ, ապարանջաններ, որոնցից մեկը վարդարված է առյուծի գլխիկով, կախիկներ, օղեր, մատանիներ և քարե և ապակե ակներ։

Հնագետներին հաջողվեց պարզել դամբարանի կառուցվածքը, գտնել մի շարք նոր նյութեր։ Դամբարանն ունեցել է կոնաձև քարե ծածկ։ Դամբարանի արտաքին կողմից հողի մակերեսին գտնվել են հում աղյուսի փռվածք, մոխրի և տարրեր խեցեղենի բազմաթիվ բեկորներ, Գտնվել են նաև երկու սյան բաղաներ, որոնք վկայում են, որ դամբարանն ունեցել է նաև վերերկրյա հուշարձան։ Դամբարանի ներսում հայտնաբերվել է $1,5 \times 0,57 \times 0,6$ մ³ շափերով օվալաձև խոշոր սարկոֆագ իր կափարիչով՝ պատրաստված թրծած կավից, զարդարված երեք ուռուցիկ դոտիներով։

Գտնվեցին նաև պատղարակ-բազմոցի մանր մասեր, երկաթե նիզակներ, նետեր, դանակներ, կավանոթներ, ոսկե տարբեր դարձեր, դավազանի գլխիկ, մատանիներ, ականջի օղեր, մարդու գլխի քանդակ, տարբեր ուլունքներ, կոճակներ, մարդու և արջի պատկերով կնիք և այլ նյութեր։ Առանձնապես կարևոր էին մեկ ոսկյա և 12 արծաթյա դրամները, որոնցով միայն կարելի է թվագրել դամբարանը։

Ուսումնասիրողների կարծիքով՝ այն եղել է Սյունիքի իշխանավորներից կամ քուրմերից մեկի տոհմական դամբարանը, որի նյութերը կարևոր նշանակություն ունեն ուշ անտիկ ժամանակաշրջանի մշակույթը և հատկապես արվեստը ուսումնասիրելու համար։

Հետաքրքիր է նշել, որ նյութերը մաքրելիս, վերականգնող Վ. Ղազարյանին հաջողվեց արծաթե թասերից մեկի վրա նկատել արամեական արձանագրություն, որն ըստ Ա. Փերիխանյանի ընթերցման հետևյալն է. «Այս թասը պատկանում է Արախսզատին»։ Արծաթի քաշն է 100 գրախմա²⁴։ Խոսելով արամեական արձանագրության մասին, պետք է նշել, որ մի այլ արձանագրություն գտնվել է 1964 թ. ճանապարհաշինության ժամանակ, Իշխանասար լեռան ստորոտին։ Այն Արտաշես I-ի սահմանագծային արձանագրություններից է և ընթերցվել է Ա. Գ. Փերիխանյանի կողմից²⁵։


Ձանգեղուրում գտնվել են նաև մի շարք այլ իրեր, որոնք պահվում են տեղի թանգարաններում և Հայաստանի պետական պատմական թանգարանում։ Հայտնաբերված հնագիտական նյութերը հնարավորություն են տալիս նշմարելու նյութական մշակույթի հաջորդական զարգացումը՝ սկսած մ. թ. ա. III հազարամյակից մինչև մեր թվականության սկիզբը։

Ձանգեղուրի հնագիտական սիստեմատիկ ուսումնասիրությունը դարձել է հրատապ անհրաժեշտություն, քանի որ այնտեղ մինչև այժմ հայտնաբերված հարուստ նյութերը, որոշակի զուգահեռներ ունեն Հայաստանի այլ շրջանների և իրանական բարձրավանդակի մշակույթի հետ։

²³ Բ. Առաքելյան, Բ. Խաչատրյան, Ժ. Խաչատրյան, Սիսեանում բացված դամբարանի մասին («Սովետական Հայաստան», 18. V. 1971)։

²⁴ А. Г. Периханян, Арамейская надпись на серебряной чаше из Зангезура («Պատմա-բանասիրական հանդես», 1971, № 3, էջ. 80)։

²⁵ А. Г. Периханян, Арамейская надпись из Зангезура («Պատմա-բանասիրական հանդես», 1965, № 4, էջ. 107)։



Նկ. 1. Գավազանի գլուխ



Նկ. 2. Եղջերուի բրոնզե արձան



Նկ. 3. Կրաքարի սանդ




Նկ. 4. Քարե կամ



Նկ. 5. Խեցեղեն Դավիթ-Րեկից



Նկ. 6. Ճափաղճոր կարճ կոշիկ



Նկ. 7. Կավե սափոր

Զանգեզուրի ուսումնասիրության համար անհրաժեշտ է զուգորդել գիտական համապատասխան կազմակերպությունների և հասարակության ջանքերը, այլապես ծավալվող շինարարական աշխատանքների հետևանքով շատ հուշարձաններ դատապարտված են ոչնչացման և կարող են գիտության համար անհավետ կորչել:

К ВОПРОСУ ОБ АРХЕОЛОГИЧЕСКОМ ИЗУЧЕНИИ ЗАНГЕЗУРА

С. А. ЕСАЯН

Р е з ю м е

Зангезур является одним из малоизученных в археологическом отношении районов Армении. Небольшие раскопки, произведенные М. С. Асратяном, А. О. Мнацаканяном, О. С. Хникияном, С. А. Есаяном, Р. М. Торосяном и Г. М. Григорьяном, а также случайные находки выявляют богатую материальную культуру, относящуюся к эпохам от ранней бронзы до ранне-армянского времени.

Обнаруженные материалы, часть которых ждет публикации, имеют большую общность с материальной культурой других районов Армении, бронзы до ранне-армянского времени.